

Especificacións metodolóxicas das consultas de **paro rexistrado**

Para a caracterización e definición da información contida no apartado de paro rexistrado, elaborouse este espazo de axuda e orientación ao usuario da páxina web.

1.- ¿Que é o paro rexistrado?

O paro rexistrado está constituído polo total de demandas en alta existentes a fin de mes, excluindo as que correspondan ás situacións descritas na Orde ministerial do 11 de marzo de 1985 (BOE do 14 de marzo de 1985).

2.- Bases de datos

A información contida neste apartado foi elaborada a partir da base de datos de demandantes rexistrados nas oficinas de emprego do Servizo Público de Emprego de Galicia.

3.- Consultas

As consultas de paro rexistrado son as distintas agrupacións de datos que se poden realizar para caracterizar a información deste indicador. Deberanse establecer criterios espaciais e temporais do seguinte xeito:

AMBITO TERRITORIAL: a información pódese obter a nivel **autonómico, provincial, comarcal ou local.**

- Pódense seleccionar unha ou varias provincias galegas, comarcas ou concellos para obter toda a información nun mesmo informe. Este informe ten como resultado o total de parados rexistrados nos territorios seleccionados en base as variables que o usuario solicitara.
- Marcando en calquera das provincias, automaticamente, no seguinte filtro, aparecerán as comarcas que pertencen a dita provincia. O mesmo caso sucede marcando unha comarca e obtendo no seguinte filtro os concellos pertencentes a mesma.

AMBITO TEMPORAL: a información pódese obter de xeito **anual, trimestral ou mensual.**

- O dato anual ofrece como resultado o total de parados rexistrados a 31 de Decembro do ano seleccionado.
- O dato trimestral ofrece como resultado o total de parados rexistrados no último día do trimestre seleccionado (exemplo: primeiro trimestre do ano: parados rexistrados a 31 de marzo do ano seleccionado).
- O dato mensual ofrece como resultado o total de parados rexistrados no último día do mes seleccionado.

Débese sempre marcar un determinado período ou espazo temporal á hora de solicitar un informe, de non ser así, o resultado do informe englobará todos os meses ou anos dos que se dispoñen na aplicación.

4.- Observacións sobre os informes dispoñibles no apartado de paro rexistrado

En relación co conxunto das consultas que configuran a información de paro rexistrado, hai que destacar as seguintes especificacións:

a) INFORMES QUE CONTEÑEN DATOS DE ACTIVIDADES ECONÓMICAS (CNAE)

Nos datos referidos a actividades económicas, utilízase como referente a Clasificación Nacional de Actividades Económicas (CNAE) do ano 2009.

Existe a posibilidade de obter estes datos en dúas desagregacións: a máis ampla, composta por dezasete apartados, corresponde ao nivel das seccións; a máis agregada refírese aos grandes sectores da economía: primario, secundario, construción e servizos.

b) INFORMES QUE CONTEÑEN DATOS DE OCUPACIÓNS

Os grandes grupos de ocupación que aparecen nas consultas corresponden á desagregación vertical máis sinxela da Clasificación Nacional de Ocupacións (CNO) do ano 2011. Comprende nove grupos ocupacionais diferenciados entre si basicamente pola maior ou menor cualificación que presentan.

No informe das ocupacións máis demandas realízase, por unha banda, unha desagregación a catro díxitos, os denominados grupos primarios de ocupacións en base a CNO-11 e, por outra, as ocupacións CO-SISPE 2011 a oito díxitos (desagregación dos grupos ocupacionais da CNO), relación que utilizan todos os Servizos Públicos de Emprego, fundamentalmente con fins de intermediación no mercado de traballo.

Por defecto sempre aparecerán as dez ocupacións máis demandadas para os ámbitos femininos ou masculinos, tendo a opción no mesmo cadro de resultados de seguir vendo o total de ocupacións pinchando no enlace que indica “todas”.

Compre tamén matizar que *un mesmo parado pode solicitar ata seis ocupacións distintas nas que desexa traballar*, así que, no tocante as ocupacións mais demandadas obterase o total de solicitudes de ocupacións dos parados, dato que pode ata sextuplicar o número de parados obtidos nos restantes informes de paro rexistrado.

c) INFORME DE VALORES MÁXIMOS PARA CADA VARIABLE

Os informes que fan referencia aos valores máximos que poidan acadar os distintos indicadores do mercado laboral, consisten nun compendio dos valores máis repetidos obtidos en cada unha das distintas variables.

d) INFORME DE RESUMO DAS PRINCIPAIS VARIABLES DO PARO REXISTRADO

Ofrécenos para o período e espazo seleccionados un solo informe con todos os resultados das variables posibles ofertadas pola aplicación.

e) PARA TODOS OS INFORMES

Segundo o establecido na Lei orgánica 15/1999, do 13 de decembro, de protección de datos de carácter persoal, incorporouse a esta aplicación a consideración técnica de non mostrar os datos menores ou iguais a tres e substituílos por unha “x”, dado que se consideran datos protexidos pola citada lei orgánica.

Ademais as casillas en branco corresponden ao valor “0”. Se todas as casillas dunha fila/columna teñen valores “0”, esta fila/columna non aparece no informe.

f) APARTADO “AXÚDENOS A MELLORAR”

Neste apartado o usuario poderá plantexar todas as dúbidas ou suxestións que desexe sobre o funcionamento da aplicación.